



CERTAME LITERARIO Carmela Loureiro

Convócase o Certame literario Carmela Loureiro como homenaxe a unha muller, profesora en Ferrolterra, presidenta da CENL durante anos, que dedicou o seu tempo e o seu saber á lingua e aos máis novos. A súa traxectoria persoal e profesional é un exemplo do labor anónimo e xeneroso de moitos profesionais do ensino na difusión da cultura e do idioma entre a mocidade.

O Concello de Ferrol e a Coordinadora de Equipas de Normalización Lingüística de Ferrolterra (CENL) convocan o **I Certame Literario Carmela Loureiro**, que se rexerá polas seguintes

BASES

- 1- Poderá participar todo o alumnado dos centros de ensino non universitario do Concello de Ferrol e daqueles centros da comarca que forman parte da CENL, sempre que estean matriculados nalgún dos cursos correspondentes ás distintas categorías establecidas neste certame.
 - 2- O Certame presenta **dúas modalidades**:
 - a) Modalidade de microrrelatos
 - b) Modalidade de micropoesía
 - 3- Na **modalidade de microrrelatos**, os/as participantes deberán elaborar un texto narrativo que non poderá exceder as 150 palabras e que deberá comezar polo texto seguinte:

Xa cho advertira...

O microrrelato debe presentar título.
 - 4- Na **modalidade de micropoesía**, as persoas participantes deberán elaborar un texto poético que non poderá superar os seis versos.
 - 5- Os textos dos microrrelatos e das micropoesías deberán estar escritos en lingua galega, deberán ser orixinais e inéditos e non poderán ter recibido ningún premio ou *accessit* noutro certame ou concurso.
 - 6- O concurso constará de dúas fases: unha interna e outra intercentros. Na **fase interna** os traballos elaborados entregáranse ao profesorado encargado deste concurso en cada centro educativo e será o propio centro quen decida a composición do seu xurado.
- Para a **fase intercentros**, os traballos seleccionados (tres por categoría en cada modalidade, é dicir, seis máximo por centro) deberán entregarse acompañados dun sobre pechado. Na parte exterior do sobre só figurará o nome do centro que o remite e no interior, ademais dos textos presentados, constará unha relación cos datos identificativos dos/as autores e o seu correspondente traballo (título ou primeiro verso). Os datos de identificación que deben figurar son o

nome e apelidos do/da participante, curso en que está matriculado e centro de ensino. Estes sobres entregaranse na Casa do Concello, (praça de Armas, s/n, 15402, Ferrol), no Rexistro Xeral.

7- O prazo para entregar os traballos en cada centro na **fase interna** remata o **mércores 19 de novembro de 2014** e para a **fase intercentros**, o **venres 28 de novembro**. O Concello comunicaralles a todos os centros de ensino participantes o resultado do certame e publicarase na páxina web municipal e na da Coordinadora.

A entrega dos premios e a presentación da publicación realizarase nun acto público no mes de xaneiro.

8- Establécense tres categorías na modalidade de microrrelatos e tres categorías na modalidade de micropoesía:

Categoría **A**: 1º e 2º de ESO.

Categoría **B**: 3º e 4º de ESO.

Categoría **C**: Bacharelato e Ciclos.

9- O xurado estará composto por unha comisión formada por un representante da CENL, un representante do Concello de Ferrol, dous alumnos ou alumnas dos centros participantes propostos pola CENL e unha persoa destacada do mundo da literatura ou da lingua. O xurado ditaminará sobre o concurso de xeito inapelable, poderá declarar os premios desertos e resolverá cantas dúbidas xurdan. Así mesmo, se a calidade dos traballos o aconsella, poderán concederse os accesit que o xurado estime conveniente.

10- Os traballos premiados quedarán en posesión do Concello que poderá utilizalos cando e como quixese. O Concello de Ferrol editará en papel e en formato dixital os traballos premiados e todos ou parte dos traballos presentados ao xurado na fase intercentros. Publicaranse nas páxinas web do Concello de Ferrol e da Coordinadora de Equipos de Normalización Lingüística.

11- Establécense un agasallo (unha *tablet*) por cada categoría en cada unha das dúas modalidades. Os centros educativos teñen a potestade de poder premiar todos aqueles traballos que desexen do seu instituto.

12- Os datos persoais das persoas participantes que fosen facilitados para a súa participación neste certame serán utilizados exclusivamente polo Concello de Ferrol e a CENL coa única finalidade de xestionar a participación no certame. En ningún caso se cederán a terceiros nin pasarán a formar parte de ningunha base de datos de carácter comercial.

13- A participación no concurso supón a aceptación destas bases.

14- Non se admitirá ningún texto en ningunha das dúas modalidades enviado fóra de prazo e, en xeral, ningún texto que non cumpra as condicións recollidas nestas bases.

Ferrol, setembro 2014

FERROL

